



活所遺業

五之六

和18
1371
4



1371
4

活所遺藁卷第五

詩七言

臘雪

人把儒書坐小堂天憐農務逐遺蝗莫憂歲暮妨多
事翠浪明年餅餌香

戊寅元日

南紀東都三歲春異行同隊逐風塵今朝依舊書齋
內拂硯俄期語句新

梅烟

三十年前過此路復逢佳境欲消魂天香數里梅花



古行書卷

卷之五

七

發遙憶羅浮山下村

梅山七處懷古

三加禪上定心石石水院西蘭若臺草鎖羅婆坊下
路華空遺跡古碑摧

會富部樸甫丈人新居賦詩爲賀

入門先覺有新吟綠竹青松喜色深磨石栽椿時世
態藏書貯畫主人心藩牆亦肯著歌舞風月自來論
古今珍重座中無俗客不辭笑語接鐘音

遺悶

原無佳客共逍遙唯有好書忘寂寞東去西歸人半

百不知何日伴漁樵

與正休遊大原

今日壯遊成故事幾重山水一篇詩親情分得盃中
物幻術應須謝左慈

桑山宗菴丈人需酒食於吉田作詩謝其悃悃

吉田本是稱神丘風景隨心百自由他日東征數千
里到頭應記此時遊

江宗珉作詩見錢東行乃用其韻

丈夫聞有四方志豈羨目前羣犬狔絕景偏思管根
水土峯雪向浪中翻

端午

武江已歷四端午佳節時時憶洛城角糴曾聞化龍
去世間斯類復何驚

遊東岡教寺

東岡高閣一經過億萬人家寓意多渤海雲興千載
意築波峯聳幾篇歌

中秋無月

中秋月色久期望每倚欄干不肯忘霏雨頑雲何必
憾愧無詩賦對清光

戲和中秋無月詩韻

浪浪江雨暗初更鎖牖只聽風葉聲清影從來照天
地一時不用論陰晴

民部卿法印作詩悼家弟刑部卿法印乃次韻

弔惻

欲和哀詩且助哀從前慙愧乏詞才斷腸一夜蓋棺
後唯見年年碑上苔

九日

泛菊繫萸傳費相人談長命坐團圓仙家不及女兒
術一著全輸賈佩蘭

大門道中

行盡巖淵望大門杉叢民屋接遙原本非熟路作生
客還顧異邦如故園

御沼池

數里縱橫御沼池百般好景却無詩欲知水上清奇
慶富士西來臥浪時

北原一屋

辜負西京南紀宅起居東海北原村吾生如寄今初
信為賦一聯慰旅覓

雪後眺望

千樹著花俄遇春萬蹊鋪玉淨無塵青天白日一時

雨渾似人間薄倖人

已卯歲旦

六歲從官入武關春來歸思已蒼顏又知有屢蹈青
草獨笑無籠放白鷗

謹奉和上巳詩韻

媚媚風光月亦晴拋書背燭向殘更忽吟一咏一觴
句感賞不堪娛下情

對書

西邊千里走東邊尺寸無功始惘然萬卷藏書應笑
我生涯餘得幾多年

跋十休安樂法後

廣續四休為十休動心忍性即真休友朋山水重門外偶得相逢又二休

五月三日發武江始聽杜鵑

一棒肩輿八九奴幾堆旅具二三鶩儼裝今日勸歸去人事鳥聲同合符

遣興

高帝素知黥布雄遍聽羣策不能通蕭曹平勃森森在却用滕家一薛公

高石山

二十八回行又還道傍草木記吾顏觀潮坂後尋常見今歲始知高石山

近洛

來往年年寧問津只憂老病逼斯身江山有待非虛語碧水青巖盡可人

會輿田氏亭

苦樂悲歡各有由武江信美不吾州別來十二三圓月期得主賓今夕遊

秋日得牛字

西風背却故人遊未覺乾坤萬里秋團扇類搖梧館

月主賓俱喘若吳牛

題狩野山雪所畫山水

樹石江舟自有詩
迹濃遠淡各相宜
畫師注意知何處
應是遙山雲起時

池亭秋夕得德字

疊山甃石巧無極
奇樹珍華爭曲直
唯有竹風松月清
憶看應比主人德

八月十四夜二首得樽夜字

復為嘉賓掃小園
談論每喜古風存
月明未滿意先滿
座有清詩廚有樽

今秋何幸得休暇
分字賦詩明月下
莫厭重門橫鐵關
清樽更酌及深夜

十五夜

二年聽雨武江月
今夕觀光洛水秋
苦樂自隨天地異
此時更覺此生浮

尚友三首 壬戌秋作七絕有感又賦

面壁看雲動
涉旬扇工漆
匠匪芳隣
吾朋多事無
消息不若觀書友
古人

風雨來過意亦純
斯人今在共論文
諸兒貪吝不勤學
不若觀書友古人

活可遺篇 卷之五
書字作文吾所欣談論日夜不辭煩今人踈懶敢爲
此不若觀書友古人

遊清水山

東郊携袖覓幽奇形勝感懷隨步移世態人情原附
勢曉霜林葉自知時竹蹊遠遶溪邊寺松影長涵山
上池羨殺諸君年未老寒巖把筆手何龜

登妙光寺山詠懷

竹裏松間覽北京更欣今日放新晴無人肯下牛山
淚有意能貪蟻穴榮百寶積仞猶未足一朝屬續幾
多驚自悲不遜利名去歲歲年年遊武城

華山菊谷

華山菊谷遶羊腸問事樵夫若望洋無菊徒傷今日
意有華欲認古時芳森森老樹空仍舊磊磊青巖幾
歷霜每憾不編輿地志偉人奇跡自茫茫

贈五十川道專丈人往出雲國

歲月易遷人易離此情難述一篇詩朝雲暮雪征鞍
上應記頻頻譚所思

歲暮得性字

躬并詩句欲無病雞鶩微榮何妄競濁富清貧共百
年不如仍舊守天性

讀綱鑑補

通鑑既編綱目修荆川初合若相符一千三百六十
歲快活唯烹阿大夫

唐辰元日詠懷二首

二十一史舊年求今古縱橫在寸眸世上光華非所
羨牙籤新帙照書樓
臘雪半殘真可憐眼中無憂不新年遲遲雲日含元
氣便見朝來卯色天

庚辰歲初定省於西蜀路經攝州尼崎阻雨信
次江宗珉之僑居且邂逅于舊知其氏亦羈中

之一快也宗珉見和余元日詩余不可不再疊
風物淒淒還是憐人間快樂遇忘年三盃美酒洛陽
味不厭南溟細雨天

馬島

在淀河大閣放
朝鮮馬之處

豐臣大閣伐朝鮮未戢諸軍身已僊却似華陽歸放
事地名馬島幾年傳

番陽道中

春色蕭條上眼來燒痕已綠菜花開是行却喜冒寒
雨為父往還今幾回

示老友江村老人

衛武孳孳九十餘伏生猶自授尚書今時僅有江村
老好讀鑑細心不踈

富部樸甫席上會十如清往二和尚得遊字

主賓野慕共清沅滿架藏書復曷求對語不知春晝
永歸時猶願暮風收川原遠去數千頃盃酒休辭十
分浮一歲相逢能幾度殘花綠葉約重遊

駒瀑

獨秀峰傍駒瀑落蹄痕猶在懶幽尋携來俱是作詩
客空谷山靈喜足音

嗟峨

溪橋處處向樽罍偏覺好懷今日開相報應強題一
首湯遊莫比俗人來

法輪寺

百里東廻大井川孤峯北聳愛當巔疾風飛雨忽忽
去須許他時展一氈

鹿王院阻雨

松門竹院出人間豈但浮生半日閑浩蕩春泥留客
子兩師今夕守函關

壽命院席上得飛字

百物群書觸道機古今不易脫韁韉雍門妙曲一時

漢秦帝浮雲二世非舊恨新愁人事過高天厚地日
輪飛池頭綠樹假山晚復此重來應莫違

道家正休丈人需余於黑谷酒食曷行醜顏悅
甚又分人間榮願付苓通賦詩得榮字

餘春未必負詩盟欲盡風光經品評幾然髭鬚搜好
句纔求鱗甲寄真情夢醒不得江淹筆勤苦須思韓
愈繁今日心朋遊物外苓通我亦比浮榮

余將東行壽命院作詩見錢次韻謝之

腹足停饑膝足安東西莫問路泥乾每逢離合平生
事如此言情亦復難

竹田蒿菴有偶成詩次韻言懷

雞鶩相爭一世過邇來不見發悲歌陳編古籍家家
在肯解前修慷慨多

庚辰六月望富士山

垢面塵腸久驅馳每望清貌慰羈思幾時拳石崇成
嶽千古品題誰吐奇羅笠俱高惺齋句白鷗想看宋
濂詩路人莫怪苦回首宜髮重來不可期

六月十五夜玩月得隅字

洛月清輝世所無吟詩避暑坐庭蕪賞心絕勝座中
客萬里西歸天一隅

立秋日遊鷺峰山得一字

來遊偶遇立秋日鷺嶺清高更難述涼氣新開衆妙
門箇心疑入寥天一

探題得鷹

已向清秋氣正剛飛騰萬里拂風霜一飢難免落羅
網更屬誰家白面郎

驢菴見招乃賦詩相共賀

百世太醫和漢希主人英妙尚增輝我今衰疾賴應
已見說前庭藥草肥

中秋得遊字

中秋甲子雨悠悠與客賦詩終日遊白兔數毫猶不
望禾頭生耳更應憂

鵜飼信之丈人拉六七人郊行勸杯盤於黑谷

余亦言盱思

儒生事業足嗟嘆永日殘更常抄纂而脚書廚於世
少三江硯滴為誰乾白河黑谷今來憇漢水峴山遙
想看悵望自帶羊祜淚無功傳後却應歡

遊永觀堂得上字

復向寒山興氣象老松古栢走虵鱗一年快活在唯
今七八儒生携手上

讀杜律詹言戲江宗珉

曾誦醉翁千首詞
睡餘酒後每談之
前身應是歐陽子
架上終無老杜詩

與田舒雲近購古文彙編且賀且羨所以有是詩也

聞說異書藏異人
古文奇賞未全泯
書媿羨遇陳仁錫
三百卷中朝暮親

次韻與田宗知見餞余紀州行

歲暮雪寒過旅亭
客中翅比鳥兼萍
南行北去由何事
只恐平生瀆聖經

盆松

幹枝磊落萬年松
鱗甲屈蟠千尺龍
自是知非塵裏物
莫教雲雨得相逢

讀菟裘賦

衰世諂臣并暗君
菟裘一賦是虛文
吉凶輻輳定何限
總似前溪雨後雲

辛巳元日

南州本自好山川
風暖梅開百可憐
復是詩材滿天地
羞無傑作答新年

遊黑谷得村字

海印遺稿 卷五 十一
緩步偏驪風日暄城東望盡幾村村前身疑是詩人
未每對江山眼不昏

了的丈人席上得春字
庭隅座上掃纖塵竟句沈吟忘主賓今日幸無風雨
厄梅花自占一場春

對東坡先生畫像

平地常與文字波此曹萬古稱江河曾甘六一泉中
水能讀本論將奈何

次韻寺井玄南

野願無涯生有涯庸人那計減兼加耳邊舊厭九衢

事壇上今栽數種花

賀江村七兒

蹄泚誰肯比江湖到得天才渾不羈三歲能知百餘
字絕勝白氏指之無

鵜飼信之餉知音南禪寺得蟬字

日長山靜法堂前信覺悠悠如少年意足何勞絲與
竹清音原自有鳴蟬

秋風

宋玉之歌漢武辭可憐弄筆只空悲秋聲猶益壯夫
氣烈日嚴霜自入思

八月十五夜得溢字

一自孤輪東嶺出深更不見片雲嫉草根樹底絕纖
翳偏覺清光天外溢

九月八日應寺井玄南酒食之會遊吉水山得
峰字

明朝九日足驩悰與客登高覽數峰醉後北風忘帽
落笑將此會擬登龍

贛山谷觀鷗圖

江水觀鷗常自吟漆園化蝶本同心艷詞佛偈豈能
事孝友唯嘉冠古今

贛杜工部畫像

工部篇篇詞有源精神廣大九河翻不知今古幾詩
話到得先生無間言

謝高迂殿見訪

自註云第三句用其先祖故事

一室尋來喜足音數言先自愧蹄涔家風吹發月中
桂須認千年父母心

龍寶怡上人讀書慧日山感而贈之

癡呆浪言唯別傳虛堂無準有遺編七千餘卷舊刊
布况復聞稱文字禪

番陽道中

海岳瞻望意自遐荒村猶在帶煙霞年年此路獨應
喜西奉老爺東返家

欲歸不歸

睽背慈闈已一年靜觀衰貌淚如漣遲遲不去真難
忍愚婦愚夫本聖賢

春雪得白字

二月雪花連日夕今年春事半蕭索復知造化甚多
情更爲韻人添潔白

又得樹字

一聯闔得韓公句英意雄思人各賦風物千年無異

同紛紛白雪穿庭樹

厭雨寄諸友

冥冥雨雪久難晴天地無情日月行西嶺東山花稍
發何時携手上崢嶸

次前韻

人間本自有陰晴肯向如來行處行弄鏡何嘆勲業
事只愁面骨已崢嶸

春日會友賦詩嗚呼今春苦雨雪日久矣其分
白日山川映青天草木宜爲韻何哉是祈晴之

一意也得宜字

細雨濛濛懶賦詩
青天白日豈無時
光風教恣滿花柳
坐在東山復自宜

壽命院席上得時字

去年一別鞠華衰
今日相逢草色奇
快笑驚鄰亦何厭
須過暮雀滿林時

春遊書懷得乳字

洛陽十萬是吾土
晴日照花天
迤午浩浩春風吹
太平貓兒復自應相乳

活所遺藁卷第五

活所遺藁卷第六

詩七言

詠作文

膽氣英雄是本根
怒濤止水起文源
陳言故事能含畜
下筆全無斧鑿痕

遊一乘山得空字

步屨尋春鴨水東
陰雲欲雨怯南風
一來斗動碧山興
更覺此行誠不空

晚梅得多字

春暮年華未幾多
自嘆有似我蹉跎
誰言二月驚梅

晚今日賞心都屬他
呈鈞天和尚時有武家系圖之事共赴關東
與君大笑有文名韓柳如知合絕纓為贈一詩措病
眼東行千里寄同聲

浮島原

榮華富貴似風埃此意能教病眼開浮島原頭望富
士羞將宜髮又重來

官根道中用前韻

眯目侵肌路上埃何時懷抱十分開人甘老死未曾
愁牽子山南百姓來

過卜齋老人城北居

酷嫌生事亂於麻城北遙開三四家藥草滿畦知幾
種蒿頭刮眼米囊花

客中患眼四首寄林秀才

少年心事古無成不用逢人說不平早午晚來唯一
枕盡拋典藉屬他生

為官却復一窮居身世茫茫無卷舒眼裏昏花飛數
歲可憐不解讀吾書

新綠新時憶故園杜鵑依舊度黃昏莫逢客子勸歸
去泣血千聲盡剩言

俗客不來常寂然工夫合著未形前瘦軀病眼世緣
盡坐對吾書亦幾年

八月十四日會寂然堂得雨字

歲饑甚畏盜如帚關鑰鎖門無夜聚閑却寂然新月
秋還同鬱鬱逢霖雨

遊松風亭得貧字

一亭收視數州景半日歡娛百歲身座客不癡開口
笑真成隨富又隨貧

遊松崎

二客携來弄翠嵐官前松下笑且譚敗帷猶寫新官

字相看唯疑速玉男

遊吉水山得門字

千年只聽有桃源幽靜應因松竹蕃久厭緇塵京洛
裏此樓長坐掩柴門

自警

貧富無關黠與癡肯將異教撩真機智愚惟在綱常
事翰墨文章亦庶幾

菅谷種菊老翁

百種菊花分徑香黃裳紅袖媚秋陽少陵人去名望
滅此老莫期黃四娘

閏九月望偶問壽命院主人之疾宗珉櫟甫亦
未至矣於是詠庭中四物曰芭蕉曰諸葛菜曰

雞冠花曰菊花余闡得其芭蕉遂賦

雪裏王維真始謀墨痕懷素也能修閑論書畫語終
日任使芭蕉不耐秋

贈奧田宗知丈人在美作國

更有何人出世間能將新句愛河山紛紛情思筆難
及總附東歸一解顏

寄江宗珉丈人在武江時讀綱鑑

瞋目猶聽綱鑑論鑑今鑑古助精覓訂頑除是無他

事憾不共君談格言

癸未元日詠懷二首

長興盥漱遣心遐待得新年鬢只華兒女不知饑歲
事擊鉢撞羽笑聲譁
人間何事樂無窮百歲光陰萬卷中病眼難堪讀書
用願如春靄得東風

次韻竹田蒿菴元日書懷

早春猶未覺微和病眼應憐懶作歌唯擁寒爐無一
事居然空記撥陰何

和驢菴主人

工夫憾不似年新下筆何由念有神一事無成將五十
十流連寧厭度三春

遊北野之日正休賦梅舒雲賦松余得竹
風日暄和少一春偶遊城北兩三人試看瘦竹歲寒
後長伴梅松得自親

遊下御靈

莫逆忘年復此遊世情身事共悠悠無常鐘後無閑
話只恐禁門魚鑰收

三月十六應友松某之招遊銅駝河原亭

菜花開盡日全長宿麥連天猶未黃早午晚來遊不

足從教明月出東岡

遲浴有感

薪桂真成催浴時百年今日亦佳期事機每失莫重
恨還負禪家八剌遲

青木正勝宅看牡丹

一徑數叢經眼新淺紅深紫照殘春洛陽風物莫過
此今古評論屬主人

寄樸甫

偶帶晚涼何處尋逢君每喜此情深北京麩甃南京
酒一醉陶然萬古心

驢菴約于吉水山有桂王之招乃分南望青松
架短壑爲韻得壑字時癸未五月廿八日也
相值主賓情不薄清譚忘暑倚山閣只今偏厭九衢
塵何日放慵專一壑

言懷告江宗珉

數帖豪翰數帙書文房銅器幾瓊琚微醺對此樂終
歲餘事浮雲閑卷舒

有跋別見

訪高臺寺茂源上人

朱門紺宇瓦爲墀方外風流又一奇竹色自宜清淨
地松陰獨坐老禪師哦詩西嶺雲常合視篆東山法

未衰酷羨塵勞長掃跡來携數客共追隨

遊興菴亭子

秋來日淺日猶長綠樹森森引午涼肘上柳生何敢
厭只逢知己惜斜陽

次韻富部樸甫喪父以弔慰之

百年能念一朝曠萬事無成心若熏况爾應堪狄公
思他時空自望孤雲

駒井玄良會友東山西來院賦詩得人字

題詩各要越比倫瞑目低頭幾苦神今日江山應有
助禪林秋色照吾人

暑字 代人

復欣曲徑通幽處閑坐禪房無俗語只覺冷然宿酒醒老松疎竹拂殘暑

秋思

新涼燈火足看書病眼飛蚊煩未除枉入帳中眠不得潛思世態復何如

癸未中秋應富部樸甫需酒食於銅駝河上店

三首

人生行樂若斯耳相值三五今復爾川上高樓詩客心同期明月光於水 右待月得水字

天固有心今夕暗北風昨夜遠簷鳴水光山色渾仍舊獨苦空添白髮明

愛月應無如此樓望山臨水占高秋嶺噴明鏡團團出波撼金虵耿耿流 右二首對月

文房銅器

文房銅器足消憂獨惜幾多傳俗流高古華風無可見竊比彝鼎認商周

飲友松氏黑谷別墅

侵朝來此自何心不特主翁相顧深流水隔塵三萬里同遊竟句幾千金

五十七川道專丈人余心朋也分睽日久矣或通
書於北雲或掣電于東州不能抒惓惓之懷人
世豈其若此者耶今日鄉舍之會復何幸哉喜
而賦一篇

諸友聚京心自融百川歸海事相同
淋頭蠹冊盃中物莊誦餘醺復古風

秋懷

宋玉悲歌杜甫愁楚聲唐律信風流
烏殘红柿雨餘薑笑勝錦楓霜後秋

舊約登高之遊因雨而不果乃分韻得葉字

共逢佳節真應喜薄酒滿盃詩滿紙
籬菊未開猶寂寞重遊復自嗅霜葉

道專丈歸平安未幾復有雲州之行
離索之念不可堪矣乃賦一首蓋徇贈言之遺意也

離羣日久會期稀綠底明朝復忽違
自是人間有盈縮莫傷北路雪花飛

鴻術歷菴老人營新居而見招輪奐
盡美莫可以言其長子休伯丈好古能詩與余甚善乃作是詩以代祝詞

榮枯貧富本無涯只恨不分瑜與瑕
方寸心田方寸

七奇功能作鉅豪家

遊清住院

扶病杖藜隨所之箇中風物自參差梅迎朝日紅將
綻椿歷春霜花半萎

江宗珉提携盤釘看東山花乃闔江碧鳥逾白

山青花欲然為韻余得青字

流俗紛紛混濁涇看花易溺酒難醒縱令爛熳一時
白亦復何如萬岳青

道家正休丈人携酒食遊東山余亦與焉豐國

社看花有感

大明慄慄泣高麗豐國神威孺子知人意已齊金殿
廢春心尚託折殘枝

黑谷得山字

復向花時不意閑東遊西覽共醜顏歸來無地避塵
事誰惜餘春坐晚山

謝富部樸甫惠七重花

一莖花草七重英開去開來自作榮能學堯真人不
識朝昏對看喜君情

同道家正休遊黑谷次其韻

四時風物似相爭紅紫未闌衆綠生白髮蒼顏信無

恨感懷還動暮鐘聲

答舊知一鷗上人之索

千里寄來一幅畫猶言餘地著詩文披觀便有梅松
竹新馥清風如值君

往伏見

城南一望意欣欣遠看烟村近看雲淡抹濃糍非假
色始知畫者著心勤

寄正休丈人

聞為觀螢到石山借船催曲有餘訕倒樽專夜豪遊
事却恐爭明燭火間

遊棕涓丈人園亭

深隱真遊箇裏存未聞典籍在桃源悠然知是太平
象異草奇花自滿園

半井驢菴貯歷代詩選然無目錄而苦於檢閱
乃欲聚徒成其事先終明詩選

總目不成書不全低頭相共要新編明詩二百三十
卷旦暮交神曹學佺

謝宗恕丈惠茂樹

鬱鬱一株君所分架空掩物若青雲草堂今得增顏
色遶樹題詩意獨欣

惺渭丈人惠百合花及栢樹且喜且謝

世事從前百合病此花相對勝中醫西來衣鉢非吾意栢樹栽者為助詩

尋光源上人

一別何年復解顏主人情厚強留還園中詩興知多少最喜青楓數朶山

鴨社納涼得到字

鴨社鴨河人不到臨風覓句從吾好舞雩沂水聖賢心但願讀書知蘊奧

遊惺渭丈人園

渺渺竹風秋意存遙迎新月滌襟煩吾家無此眺望遠半是尋君半訪園

吾友藤井六郎兵衛藤重孝丈善書賦詩性愛富士山憾其不可常觀焉令畫工寫之以裝潢之乃奇其志非若今世汨沒聲利寄一生於醉夢之徒以賦一章且寓予曩時之慙悔是亦觀物興懷之常也

士峯景象復堪驚白雪衝天雲自橫今對畫圖嘆往事山南海北幾頑行

獨觀月

雲雨真如叔世情怒飛奮起幾陰晴中秋半夜天心
月更爲何人盡意明

寄長谷川氏

古來聞道丈夫情一遇相知便倒傾滿腹客懷難說
盡從教夜夜聽雞鳴

除夕淋汗

浴中破却旅中思靄靄春光溢四支船背雞皮真可
愧不知何日謝凝脂

乙酉元日詠懷

南州風日臘前暄梅發天香非特恩萬事從來應若

此人間空自弄精竈

客居南紀有感而賦

世事閱來都是虛甘言好語每欺余未曾夢返吳江
去不用鹽梅啗幾鱸

俗名虛饗
謂鱸膾丁

龍源寺會故舊

蕭蕭春雨旅懷空故舊裁書會此中竹露杉風拂塵
世百年心事一時融

登辨才山

城外登高是辨才腴田傑宅四方開幸無峴首牛山
淚應爲催詩日日來

龍源堂上關挾和尚頗有文字禪之樂故與余
唱和自卯至申聚首者數矣是月也欲有由良
行其徒留之於是和尚作偈余復和焉

由來儒釋分雖殊天外遊心共壯夫雲水寄身和尚
事平生足羨免危途

留別長谷川氏

燭影雞聲向四更酒酣耳熱氣縱橫明朝別後相思
切為寫數行通此情

自南紀至西鄙

去年九月出京畿今日歸心先鳥飛復取便宜趨蜀

道瘦軀難耐老萊衣

遊建仁寺獨嘯軒食筍賦

送梅雨過綠陰濃且喜談詩復此逢新筍猶存知閨
月和羹共食到昏鐘清音縱使來鳴鳳大嚼何能待
化龍原有主人通客意數莖帶露佐餐饗

安祥寺山行

百曲溪流走白沙滿山草樹看天葩自疑深入桃源
去還問樵夫知返家

登相國寺園通閣

萬年高閣帝都鄰今一登臨意自真不是片雲翳白

日平安滿目亦愁人

寺井玄南喪幼子作詩見悼一讀傷情再誦淚
下其出於天性而不外求者可見焉乃知其韻
以弔慰之

憐爾題詩泣向隅情鍾豈是別賢愚故衣殘藥逐時
散自有幽禽來一呼

銅駝河店 二首

京洛繁華不見山南薨北瓦日遮顏祗今非特玩山
水多少塵勞渾不關
一隊書生氣太踈傲然肯耻出無與銅駝河上儻茅

店讀破了凡綱鑒書

復遊銅駝店

有意無心共世間遷非轉是本無關詩人休嘆殺風
景還有此樓不背山

南行劬白樂天體

老病交侵百事驚况於歲暮冒霜行世情無賴應超
古何不歸京終此生

乙酉十二月南紀送藤井重孝東行

人生交會不應期我去君歸今又離遙憶箱根三尺
雪辛勤賦得幾篇詩

丙戌元日在南紀作

格上奇書悅箇情藥爐活火助長生但知俯仰有餘
樂何必強思歸北京

余歸自南紀茂源上人歸自對馬相歡最甚乃
次其道中詩韻以寄之

相逢復感泛塵舟莫不談論得自由君返關西我南
返帝京千歲是山洲

寄寺井玄南丈

寥寥新宅莫生愁豈必朱欄列畫樓牀有古書庭有
樹朝吟暮誦復何求

中秋鴨河看月

擇地携朋洛水東激湍涵影自匆匆將詩酬月吾何
敢徒作清秋鶴髮翁

丙戌冬至在鄱陽作

懷多睡少屢迴腸何況巖親病在牀今日作文當自
賀老來更喜日初長

十二月七日歸京

箭雨剛風剝面來馬頭蕙笠不堪開探囊雇僕竹輿
穩從此山河首可回

丁亥二月村上良和生需酒食于靈山乃復闢

忽有好詩生眼底以作詩余得詩字

紅梅已謝柳舒眉未見櫻花爛熳奇他日若尋今日

事無窮情景七篇詩

依村上良和眇睽遊黑谷諸友皆賦

人間無事不忙矣肯不相親能到此猶有幽懷談未

終前山雲暗前溪水

活所書事

紫茄白飯足吾生馬莧副來知有羸法帖藏書銅器

外文房絲竹有啼鶯

遊梅津

晨向城西避暑來梅津古寺槿花開祗今到處無風
塞向地得登凌歊臺

梅津浮舟

向晚放船南北移巧開扇網捕魚兒真知歡極哀還

動濺淚江山復曷為

八月十五夜

極暑今年真可驚夏秋不雨草難生莫憂偶爾似恒

燠換得清秋數夜明

見東山

朝日濛濛山未爽夕陽歷歷樹全明因知學術照人

意獨向閑中獨笑生

意獨向閑中獨笑生

意獨向閑中獨笑生

意獨向閑中獨笑生

意獨向閑中獨笑生

活野遺集卷第六

